

**ADRODDIAD I: PWYLLGOR CRAFFU CYMUNEDAU (TROSEDD AC ANHREFN)  
AWDURDOD LLEOL GWYNEDD**

**DYDDIAD: 5 RHAGFYR 2019**

**ADRODDIAD GAN: Y CYNGHORYDD DAFYDD MEURIG  
(SWYDDOG CEFNOGI - CATHERINE E ROBERTS)**

**PWNC: DIWEDDARIAD BLYNYDDOL GAN Y BARTNERIAETH  
DIOGELWCH CYMUNEDOL (GWYNEDD A MÔN)**

<b>1.00</b>	<b>PWRPAS YR ADRODDIAD</b>
1.01	Rhoi trosolwg i Aelodau o weithgareddau Partneriaeth Diogelwch Cymunedol (PDC) Gwynedd a Môn yn ystod 2018-19, a'r datblygiadau ar gyfer 2019-20
<b>2.00</b>	<b>CEFNDIR</b>
2.01	Mae gofyn i'r Bartneriaeth Diogelwch Cymunedol adrodd yn ffurfiol i'r pwyllgor hwn bob blwyddyn er mwyn cyflwyno trosolwg o weithgareddau. Mae hyn yn sicrhau bod y Bartneriaeth yn cyflawni ei hymrwymiaid yn unol ag adrannau 19 a 20, Deddf Heddlu a Chyfiawnder Troseddol 2006. <b>Dyletswydd y pwyllgor yw craffu gwaith y Bartneriaeth, yn hytrach na gwaith yr aelodau (cyrff) unigol.</b>
2.02	Mae dyletswydd statudol ar <b>Awdurdodau Lleol</b> yn unol â Deddf Trosedd ac Anhrefn 1998, a'r diwygiadau dilynol yn sgil Deddf Heddlu a Chyfiawnder Troseddol yn 2002 a 2006 i weithio mewn partneriaeth gyda'r <b>Heddlu, y Gwasanaeth Iechyd, y Gwasanaeth Prawf a'r Gwasanaeth Tân ac Achub</b> , i ymdrin â'r rhaglen diogelwch cymunedol leol. Dyma'r prif asiantaethau sy'n ffurfio'r Bartneriaeth Diogelwch Cymunedol. Mae gan y Bartneriaeth ddyletswydd i ymdrin â - <ul style="list-style-type: none"> <li>• Throsedd ac Anhrefn</li> <li>• Camddefnyddio Sylweddau</li> <li>• Lleihau Aildroseddu</li> <li>• Cyflwyno asesiad strategol i adnabod blaenoriaethau (gwaith sydd bellach yn cael ei wneud yn rhanbarthol)</li> <li>• Rhoi cynlluniau ar waith i ymdrin â'r blaenoriaethau hyn (mae cynllun bellach yn bodoli ar sail ranbarthol a lleol)</li> </ul>
2.03	Mae partneriaeth wedi bodoli yn Ynys Môn a Gwynedd ers 1998. Fodd bynnag, mae wedi gweithredu fel Partneriaeth ddwy-sir ers 2013-14
<b>3.00</b>	<b>BLAENORIAETHAU/DOGFENNAU'R BARTNERIAETH AR GYFER CRAFFU</b>
3.01	Mae'r bartneriaeth yn gweithio'n unol â chynllun blynyddol, sy'n seiliedig ar gynllun rhanbarthol tair blynedd. Atodir adroddiad perfformiad diwedd blwyddyn 2018-19 a chynllun 2019-20 (atodiadau 1,2)
3.02	Mae saith blaenoriaeth yn denu sylw'r Bartneriaeth. Dyma'r blaenoriaethau ar gyfer 2018-19 a 2019-20. Mae'r blaenoriaethau hyn yn seiliedig ar asesiad strategol. Y blaenoriaethau yw -

	<ul style="list-style-type: none"> <li>• Lleihau troseddau a chanddynt ddiodeffwyr (troseddau meddiangar yn unig)</li> <li>• Lleihau Ymddygiad Gwrthgymdeithasol</li> <li>• Cefnogi pobl fregus i'w hatal rhag bod yn ddiodeffwyr trosedd</li> <li>• Codi hyder i adrodd am ddigwyddiadau o gam-drin domestig</li> <li>• Codi hyder i adrodd am gam-drin rhywiol</li> <li>• Mynd i'r afael â chamddefnyddio sylweddau yn yr ardal</li> <li>• Lleihau Aildroseddu</li> </ul>
<b>4.00</b>	<b>Y PRIF NEGESEUON SY'N DEILLIO O WEITHGARWCH 2018-19</b>
	<p>Atodir adroddiad diwedd blwyddyn y Bartneriaeth. Mae'r adroddiad yn dangos y sefyllfa mewn perthynas â'r blaenoriaethau uchod, sef -</p> <ul style="list-style-type: none"> <li>• Yn 2018/19, bu cynnydd o 13.5% mewn Troseddu sy'n seiliedig ar Ddiodeffwyr yng Ngwynedd. Roedd dadansoddiad yn dangos mai gwelliannau mewn effeithiolrwydd adrodd am droseddau, a ddaeth i rym ym mis Ebrill 2018, yn hytrach na chynnydd mewn troseddu oedd yn gyfrifol am y cynnydd hwn. Gwelir cynnydd yng Ngwynedd eto hyd yn hyn eleni ond mae lefelau troseddu sy'n seiliedig ar ddiodeffwyr wedi sefydlogi dros y misoedd diwethaf. Mae lefel troseddu sy'n seiliedig ar ddiodeffwyr yng Ngwynedd o gymharu â'i Grwpiau Mwyaf Tebyg (MSG) ychydig uwch na'r cyfartaledd.</li> <li>• Mae Gwynedd wedi gweld cynnydd bychan o 4.7% mewn <b>Troseddu Meddiangar</b>, gan gynnwys byrgleriaeth breswyl, yn hanner cyntaf 2019/20 o gymharu â'r un cyfnod y llynedd. O gymharu gyda'i MSG, mae troseddu meddiangar yng Ngwynedd yn is na'r cyfartaledd.</li> <li>• Cafwyd lluo o droseddau byrgleriaeth breswyl ym Mhenygroes yn ystod mis Awst 2019 lle targedwyd sawl sied/modurdy. Cafodd dyn ei gyhuddo o'r wyth allan o ddeg digwyddiad a adroddwyd.</li> <li>• Mae nifer y <b>dioodeffwyr sy'n diodeff o drosedd fwy nag unwaith</b> (3 neu fwy mewn 12 mis) yn parhau i gynyddu yng Ngwynedd yn 2019/20 o gymharu â'r un cyfnod y llynedd. Mae tystiolaeth eto o'r patrwm hwn ar draws Gogledd Cymru yn ei gyfanrwydd. Mae newidiadau yn y prosesau cofnodi wedi cael effaith sylweddol ar lefelau troseddau treisgar, sydd wedi arwain at fwy o ddiodeffwyr sydd wedi diodeff fwy nag unwaith yn cael eu hadnabod.</li> <li>• Mae'r <b>ymddygiad gwrthgymdeithasol</b> a adroddwyd i Heddlu Gogledd Cymru yn hynod dymhorol gyda nifer llawer uwch o ddigwyddiadau wedi'u hadrodd yn ystod misoedd yr haf o gymharu â misoedd y gaeaf. Mae lefelau Ymddygiad Gwrthgymdeithasol a gofnodwyd yng Ngwynedd yn 2019/20 yn is o gymharu â'r flwyddyn flaenorol. Mae diodeffwyr sy'n diodeff fwy nag unwaith, lleoliadau a diodeffwyr bregus risg uchel yn cael eu cyfeirio am adolygiad i grŵp tasg amlasiantaethol bob mis.</li> </ul>

	<ul style="list-style-type: none"> <li>• Cafodd llawer o waith ei wneud ar ymddygiad gwrthgymdeithasol yn benodol dros fisoedd yr haf gyda Dreamscheme yng Nghaernarfon a ariannwyd gan wasanaethau ieuenctid, Crimebeat, CCG a PACT. O ganlyniad i'r gweithgareddau dargyfeiriol a wnaethpwyd gan bobl ifanc drwy Dreamscheme, bu gostyngiad mewn ymddygiad gwrthgymdeithasol yn ardal Caernarfon a oedd wedi cynyddu'n flaenorol ac yn rhoi cryn bwysau ar yr Heddlu. Mae hefyd wedi rhoi cyfle i bobl ifanc roi rywbeth yn ôl i'r gymuned.</li> <li>• Rydym wedi cael problemau'n ddiweddar yn Nhan y Fynwent ym Mangor gyda grwpiau o hyd at 40 o bobl ifanc yn ymgynnull yn yr ardal, yn dringo ar doeau safleoedd bysiau, yn bod yn eiriol dreisgar tuag at aelodau'r cyhoedd ac yn achosi problemau i yrwyr bysiau. Rhoddwyd gorchmynion gwasgaru yn eu lle sy'n gwahardd unrhyw berson, sy'n derbyn hysbysiad gwasgaru, i fynd i leoliad ardal y gorchymyn gwasgaru am gyfnod o 48 awr. Mae'r gwaith yma'n parhau.</li> <li>• Mae <b>Troseddau Casineb</b> yng Ngwynedd wedi cynyddu yn hanner cyntaf 2019/20 wrth gymharu â'r un cyfnod yn 2018/19, gyda 86 trosedd wedi'i chofnodi eleni hyd yn hyn o gymharu â 68 y llynedd. Troseddau casineb yn ymwneud â hil sydd wedi gweld y cynnydd mwyaf o ran niferoedd yng Ngwynedd yn 2019/20.</li> <li>• Mae adroddiadau am <b>Droseddau Domestig</b> yng Ngwynedd wedi gostwng yn hanner cyntaf 2019/20. <b>Mae dioddefwyr sy'n dioddef o Gam-drin Domestig fwy nag unwaith</b> yng Ngwynedd wedi gweld cynnydd yn 2019/20 o gymharu â'r flwyddyn flaenorol. Eto, mae newidiadau yn y prosesau cofnodi troseddau wedi arwain at fwy o ddiodefwyr, sydd wedi dioddef fwy nag unwaith, yn cael eu hadnabod.</li> <li>• Mae lefelau <b>Trais Rhywiol Risg Uchel</b> a gofnodwyd yng Ngwynedd wedi cynyddu yn hanner cyntaf 2019/20 o gymharu â'r flwyddyn flaenorol. O gymharu gyda'i MSG, mae troseddu rhywiol yng Ngwynedd yn uwch na'r cyfartaledd.</li> <li>• Ail-droseddwyr yw unigolion dros 18 oed sydd wedi cyflawni trosedd ar dri achlysur neu fwy mewn 12 mis; felly, ciplun o'r 12 mis blaenorol yw'r gwerth ar gyfer bob mis. Mae nifer yr <b>ail-droseddwyr</b> yng Ngwynedd yn aros yn sefydlog, gyda gostyngiad bychan o gymharu â'r flwyddyn flaenorol.</li> </ul>
<b>5.00</b>	<b>PRIF LWYDDIANNAU 2018-19</b>
5.01	<ul style="list-style-type: none"> <li>• O'r 40 gweithred yng nghynllun 2018/19, ar ddiwedd y flwyddyn, roedd 37 yn wyrdd (cyflawnwyd), un yn ambr (gwaith wedi'i wneud ond heb ei gwblhau) a dwy yn goch (heb ei chwblhau).</li> <li>• Roedd y weithred ambr yn ymwneud â chanfod adeilad newydd ym Mangor i'r gwasanaethau Camddefnyddio Sylweddau weithio ynddo. Ni chyflawnwyd hyn ac mae gwaith yn parhau i geisio canfod eiddo priodol.</li> <li>• Roedd y ddwy weithred goch yn ymwneud â (1) gofynion Llywodraeth Cymru i gyflwyno'r Fframwaith Hyfforddi Cenedlaethol ar gam-drin domestig ym</li> </ul>

mhob Awdurdod Lleol. Mae'r gwaith hwn wedi symud ymlaen yn dda yn Ynys Môn, ond nid heb ei anawsterau, yn unol â'r hyn sydd wedi digwydd yn y rhan fwyaf o Awdurdodau Lleol. Canfu ALI Gwynedd hefyd fod gweithredu'r hyfforddiant hwn yn heriol, er bod gwaith yn parhau, ac mae pob ymdrech yn cael ei wneud i oresgyn y rhwystrau. (2) Mae'r ail yn ymwneud â gwaith sydd ei angen i fonitro effeithlonrwydd gorchmynion diogelu manau agored cyhoeddus (PSPO), na chyflawnwyd eleni, ond mae bellach yn ddarn o waith sy'n cael ei wneud gyda'r Heddlu (gweler cerrig milltir y dyfodol).

- Mae'r bartneriaeth wedi bod yn defnyddio'r mesurau perfformiad newydd a ddatblygwyd ar ddiwedd y flwyddyn ddiwethaf.
- Yn ystod cyfnod y Nadolig, llwyddodd y Bartneriaeth i gael arian grant ychwanegol gan Fwrdd Cynllunio Ardal Gogledd Cymru (camddefnyddio sylweddau) i ariannu datgelwyr metel ychwanegol (ar gyfer cyllyll ac ati), camerâu a wisgir ar y corff ac arian ar gyfer bugeiliaid y Stryd ym Mangor, er mwyn cynorthwyo'r Heddlu yn ystod y cyfnod prysur hwn.
- O ran y sefyllfa sy'n ymwneud ag Adolygiadau Lladdiad Domestig (DHR), mae'r bartneriaeth ddwy-sir ar hyn o bryd yn arwain ar un (yng Ngwynedd). Ers y cyfnod adrodd diwethaf, mae un DHR wedi'i gwblhau a'i dderbyn gan y Swyddfa Gartref, er nad yw wedi'i gyhoeddi oherwydd pryderon diogelu parhaus. Ers iddynt ddod yn ymrwymiad statudol yn 2012, mae Gwynedd wedi ymgymryd â thri adolygiad, nid yw Ynys Môn wedi cael unrhyw un hyd yma. Cafwyd wyth adolygiad drwy ogledd Cymru i gyd.
- Mae grŵp gweithredol yn Ynys Môn - a adwaenir fel cyfarfod bregus a rheoli risg (VARM), yn dal i weithredu yn Ynys Môn, er ein bod yn aros o hyd am fersiwn terfynol y gwerthusiad. Erbyn hyn, rydym yn gweithio ar beilot posib o'r un strwythur yng Ngwynedd.
- Mae gofynion Deddf newydd Llywodraeth Cymru ar Drais yn Erbyn Merched, Cam-drin Domestig a Thrais Rhywiol (VAWDASV), eisoes wedi arwain at:
  - Benodi Ymgynghorydd rhanbarthol newydd
  - Sefydlu Bwrdd rhanbarthol i oruchwylio datblygiad proses strategaeth a chomisiynu rhanbarthol newydd
  - Datblygu strategaeth VAWDASV ranbarthol, y mae Llywodraeth Cymru wedi'i derbyn.
  - Eleni, symudodd y cydlynnydd lleol sy'n gweithio yn Ynys Môn a Gwynedd i weithio yn y tîm rhanbarthol.
- Mae'r gwasanaeth camddefnyddio sylweddau newydd i'r ddwy sir ar gyfer plant a phobl ifanc wedi bod yn cael ei sefydlu yn y cyfnod hwn, ac ers y cyfnod adrodd diwethaf, mae aelod olaf y tîm wedi cael ei benodi.
- Mae'r bartneriaeth hefyd wedi bod yn llwyddiannus wrth gadw arian gan grant rhanbarthol VAWDASV, i gomisiynu'r rhaglen Tadau Gofalgar am

	<p>ddeuddeg mis arall. Cwrs gwirfoddol, sy'n ymdrech i wella agweddau ac ymddygiadau tadau 'problemus'.</p> <ul style="list-style-type: none"> <li>• Her sylweddol newydd yng Ngogledd Cymru, nid yn annhebyg i sawl ardal arall bellach, yw'r agenda Llinellau Sirol (gangiau cyffuriau cyfundrefnol), mae yna fygythiad sylweddol i Ogledd Cymru gan gangiau o'r fath sy'n dod o ardaloedd Manceinion a Merswy ac yn sefydlu gweithgarwch gwerthu cyffuriau yn yr ardal. Dros y cyfnod adrodd hwn, mae'r ddau Awdurdod Lleol wedi bod yn rhan o ymdrech amlasiantaethol i ddatblygu asesiad anghenion Llinellau Sirol ar gyfer y rhanbarth. Mae llawer o waith codi ymwybyddiaeth wedi bod yn y misoedd diwethaf, ac mae grŵp gangiau trosedd cyfundrefnol dwy-sirol wedi'i arwain gan yr Heddlu, wedi cael ei sefydlu.</li> <li>• Mae Llywodraeth Cymru wedi cymeradwyo buddsoddiad cyfalaf i wella adeilad Craig Hyfryd yng Nghaergybi, lle mae'r ddarpariaeth camdefnyddio sylweddau wedi'i lleoli. Ers y cyfnod adrodd diwethaf, rhoddwyd caniatâd cynllunio i wneud addasiadau a bydd gwaith uwchraddio yn parhau dros y misoedd nesaf.</li> <li>• Ers yr adroddiad diwethaf, mae gweithiwr teulu newydd ar gyfer camdefnyddio sylweddau ac iechyd meddwl bellach wedi cael ei benodi, sydd wedi'i leoli o fewn gwasanaethau plant yn Ynys Môn. Mae swydd debyg wedi bod yn ei lle yng Ngwynedd ers sawl blwyddyn.</li> <li>• Yng Ngwynedd, mae gwaith wedi bod yn cael ei wneud i baratoi ar gyfer gweithredu'r hyfforddiant ACE (profiadau niweidiol yn ystod plentyndod) a fydd yn dechrau ym mis Medi. Mae'r gwaith hwn dan arweiniad yr Heddlu. Rydym yn medru defnyddio profiadau o Fôn, lle mae'r gwasanaethau Plant wedi bod yn gweithio ochr yn ochr â'r Heddlu i ddatblygu rhaglen hyfforddi a chefnogi ACE, yn bennaf ar gyfer staff yr Heddlu, ond hefyd i rai aelodau o staff ALL ac eraill. Mae llawer wedi cael ei wneud i wella ansawdd dull yr Heddlu o adrodd am faterion diogelu i'r gwasanaethau Plant, yn ogystal â gwaith i wella ymyrraeth gynnar a modelau cydweithio. Mae'r gwaith yn parhau.</li> <li>• Yn ystod y flwyddyn ddiwethaf, rydym wedi gweithio o fewn y ddau ALL i drosi grant diwethaf y Bartneriaeth (Troseddu Ieuenctid), fel sy'n ofynnol gan Lywodraeth Cymru, i'r rhaglen Cyllido Hyblyg newydd. Golyga hyn nad yw'r bartneriaeth bellach yn derbyn unrhyw gyllid uniongyrchol arian grant. Yn ogystal, ers y cyfnod adrodd diwethaf, mae'r tîm diogelwch cymunedol sy'n cefnogi'r gwaith hwn wedi'i leihau i un aelod o staff. Mae trafodaethau yn parhau i newid y prosiect a'r rôl fonitro wedi i ddeiliad y swydd adael ym mis Rhagfyr 2018. Mae'r cydlynnydd Cam-drin domestig wedi symud i swydd ranbarthol yn unol ag amodau'r grant cyllido. Golyga hyn fod y tîm lleol wedi lleihau o saith aelod yn 2014 i un ar hyn o bryd.</li> </ul>
<b>6.00</b>	<b>PRIF GERRIG MILLTIR 2019-20</b>

- Yn anffodus, mae'r bartneriaeth yn cynnal adolygiad Lladdiad Domestig ar hyn o bryd, yn sgil marwolaeth yng Ngwynedd ym mis Gorffennaf 2017. Gobeithiwn y bydd yr adolygiad wedi'i gwblhau a'i anfon i'r Swyddfa Gartref yn fuan. Bydd y gweithgarwch hwn yn gofyn am lefel benodol o ymrwymiad ac amser unwaith eto eleni gan y swyddog cefnogi.
- Yn ystod y cyfnod nesaf, bydd y Bartneriaeth yn ymgysylltu â Bwrdd Gwasanaethau Cyhoeddus y ddwy sir er mwyn sefydlu sut fydd fframweithiau cysylltu ac adrodd rhwng y partneriaethau yn gweithio yn y dyfodol.
- Mae'r Bwrdd Cymunedau Diogel rhanbarthol wedi bod yn arwain ar ad-drefnu cynllun y grwpiau rhanbarthol. Mae'r gwaith hwn yn parhau ond gall olygu newid sylweddol yn y modd mae gwaith rhanbarthol yn cael ei wneud yn y dyfodol mewn perthynas ag ambell ffrwd gwaith Diogelwch Cymunedol.
- Ymgymryd â'r broses gyfreithiol o ystyried ac, o bosib, gweithredu gorchymyn diogelu manau cyhoeddus newydd ym Mangor - gan gynnwys cynnal ymgynghoriad cyhoeddus.
- Un o'r gweithredoedd sydd yn dal heb ei gwblhau ers y cynllun diwethaf yw adolygu'r PSPOs, a cheir pedwar yn Ynys Môn a saith yng Ngwynedd. Rhoddir y gorchmynion hyn yn eu lle gan Awdurdodau Lleol ac fe'u dylunnir i leihau ymddygiad gwrthgymdeithasol. Yn y lle cyntaf, bwriedir iddynt fod yn eu lle am dair blynedd, er y gellir eu hymestyn, yn unol â'r hyn sydd wedi digwydd gyda gorchmynion presennol. Fodd bynnag, oherwydd newid mewn deddfwriaeth yn 2014 a newidiodd natur y gorchmynion yn 2017, bydd pob gorchmynion presennol yn dod i ben ym mis Hydref 2020 (ac eithrio'r gorchmynion mwyaf diweddar ym Mangor). Er mwyn sicrhau bod y gorchmynion yn cael eu hadolygu o ran eu sail tystiolaeth a'u heffeithiolrwydd, rydym yn gweithio gyda'r Heddlu i adnabod data priodol, fel y gellir gwneud penderfyniadau deallus ynglŷn â'r PSPOs y flwyddyn nesaf.
- Yn ystod y blynyddoedd diwethaf, mae Llywodraeth Cymru wedi comisiynu adolygiad pellach ar ddiogelwch cymunedol drwy Gymru gyfan. Bydd adroddiadau cynnydd yr holl gynlluniau gwaith sy'n gysylltiedig â'r datblygiad hwn yn cael eu rhannu'n rheolaidd gydag aelodau'r bartneriaeth. Hyd yn hyn, ni nodwyd unrhyw gyfleoedd cyllido ychwanegol. Y nod yw cael glasbrint ar gyfer materion cyfiawnder yng Nghymru.
- Byddwn yn cryfhau ymateb dyletswydd Prevent yr ALI (radicaleiddio) ac mae hyn yn cynnwys datblygu asesiad yn seiliedig ar risg sy'n deillio o'r Proffil Lleol Gwrth-derfysgaeth rhanbarthol. Bydd hwn yn gynllun dwy-sir. Yn ffodus, mae'r ddwy sir yn ardaloedd sydd â lefel risg isel iawn.
- Gweithio gyda'r Heddlu, lledaenu gwybodaeth am ymwybyddiaeth o ddiogelwch ac ymwybyddiaeth o alcohol yn ystod Wythnos y Glas ym Mangor.

	<ul style="list-style-type: none"> <li>• Mae menter ar y cyd rhwng Diogelwch Cymunedol a Gwarchod y Cyhoedd yn y ddwy Sir wedi arwain at gefnogaeth i ymgyrch Rhuban Gwyn (terfynu trais yn erbyn merched) gan yrwyr tacsis trwyddedig.</li> <li>• Rydym yn defnyddio'r grŵp llywio MARAC lleol (cynadleddau asesu risg amlasiantaethol - edrych ar achosion cam-drin domestig) fel modd o fwydo i'r broses adolygu MARAC Rhanbarthol. Yn y cyfnod nesaf, gallai hyn olygu symud i broses llywio MARAC rhanbarthol, cynigir hyn fel y ffordd fwyaf effeithlon ymlaen i'r Bwrdd rhanbarthol ac rydym yn disgwyl am fanylion y broses newydd.</li> <li>• Bydd y ddau Awdurdod Lleol yn cymryd rhan mewn gwaith a arweinir gan yr Heddlu ar ddatblygu proffiliau cymunedol, gyda'r bwriad o gynorthwyo drwy ddyrannu adnoddau yn effeithlon.</li> <li>• Gweithredu'r cynllun sydd ynghlwm. Mae rhai o'r prif ddatblygiadau'n cynnwys - <ul style="list-style-type: none"> <li>○ Codi ymwybyddiaeth a monitro gwerthiannau cyllyll i bobl dan oed.</li> <li>○ Cyfrannu at waith yr Heddlu o ran datblygu proffiliau cymunedol</li> <li>○ Gweithio gyda'r Heddlu i adnabod ffyrdd o dystiolaethu'r angen i barhau â'r PSPOs (wedi'u gosod gan yr ALI)</li> <li>○ Sicrhau bod y MARAC lleol (Cynhadledd asesu risg amlasiantaethol - sy'n ymdrin â dioddefwyr cam-drin domestig) yn uno'n briodol â'r model newydd ar gyfer grŵp rhanbarthol, os mai hynny fydd y penderfyniad terfynol.</li> <li>○ Cyflwyno'r model ACE i Wynedd gan weithio gyda phartneriaid yr Heddlu i adnabod cyfleoedd i wella diogelu ac ymyrraeth gynnar.</li> <li>○ Gweithio gyda phartneriaid ar ddatblygu gwaith rheoli Troseddwr Integredig yn y rhanbarth</li> </ul> </li> </ul>
<b>7.00</b>	<b>ARGYMHELLION</b>
7.01	Nodi cynnwys yr adroddiad a'r dogfennau atodol, a nodi p'un a yw'r Pwyllgor Craffu yn cefnogi'r blaenoriaethau a chyfeiriad y gwaith i'r dyfodol.
<b>8.00</b>	<b>ATODIADAU</b>
8.01	<ol style="list-style-type: none"> <li>1. Adroddiad Diwedd y Flwyddyn 2018-19</li> <li>2. Cynllun Gweithredu 2019-20</li> </ol>